

# KARTA E-DYTE E APOSTOLLIT PAVEL MBE TIMOTHENE

## Krye 1

<sup>1</sup> Pavli, apostoll i Jisu Krishtit me anë të dashurimit të Perëndisë, pas të-zotuarit të jetesë që është mbë Jisu Krishtinë, <sup>2</sup> Mbë Timothenë, birin' e-dashurë, **qoftë** hir, përdëllim, paqtim prej Perëndisë, Atit, edhe prej Jisu Krishtit, Zotit t'ënë.

<sup>3</sup> I falem ndersë Perëndisë, të-cilin' e lus që nga prindërit' **e mi** me ndërgjegje të-kthjellëtë, se pa pushim të kujtonj ndë të-falurat të mia nat' e ditë, <sup>4</sup> edhe se, kur kujtonj lott e tu, kam mall të të shoh, që të mbushem me gëzim; <sup>5</sup> Sepse bje ndër mëntt besënë t'ënde pa ipokrisi që është te ti, e-cila më përpara ndënjti te jot' gjyshe Lloidhë, edhe te jot' ëmë Evnikë; edhe më është mbushurë mëndja se **ka ndënjurë** edhe te ti.

<sup>6</sup> Për këtë ngajë të përmënt ty të ngjallç përsëri dhurëtin' e Perëndisë, e-cila është te ti me anë të të-vënit të duarvet të mia mbi ty. <sup>7</sup> Sepse Perëndia s'na ka dhënë frymë frike, po fuqie e dashurie e urtësisë.

<sup>8</sup> Mos kij turp pra për dëshimmn' e Zotit t'ënë, edhe për mua të lidhurin' e ati; po hiq keq bashkë me mua për ungjillinë pas fuqis' së Perëndisë; <sup>9</sup> I-cili na shpëtoj, edhe na thërriti me të-thërriturë të-shënjtëruarë, jo pas punëravet t'ona, po pas vendimit të ti, edhe pas hirit që na udha mbë Jisu Krishtinë që përpara kohëravet të-përjetëshme, <sup>10</sup> Edhe që uçaq ndashti me anë të të-dukurit të-shpëtimtarit t'ënë Jisu Krisht, i-cili prishi vdekjenë, edhe nxori ndë dritë jetën' edhe pavdekjenë me anë të ungjillit. <sup>11</sup> Për këtë uvushë unë lëçitës edhe apostoll edhe mësonjës i kombevët; <sup>12</sup> Për të-cilënë punë edhe pësonj këto; po nukë kam turp; sepse e di kujt i kam besuarë, edhe më është mbushurë mëndja, se ay munt të ruanjë ndorjenë t'ime gjer mb'atë ditë.

<sup>13</sup> Ruaj formën' e fjalëvet të-shëndosha, që dëgjove prej meje, me besë e me dashuri që është mbë Jisu Krishtinë. <sup>14</sup> Ndorjenë e-mirë ruaj-e me anë të Frymës' së-Shënjtëruarë që rri ndër ne.

<sup>15</sup> **Ti** e di këtë, se gjith' ata që janë nd'Asi më kthyenë krahëtë, prej të-cilëvet është Fyggjelli edhe Hermogjeni. <sup>16</sup> Zoti dhëntë përdëllim ndë shtëpit të Onisiforit; sepse shumë herë më dha zëmërë, edhe s'pat turp prej hekuravet të mia, <sup>17</sup> Po kur erdhë ndë Romë, më kërkoi me shumë nxitim, edhe **më** gjeti. <sup>18</sup> Zoti i dhëntë ati të gjenjë përdëllim nga Zoti nd'atë ditë. Edhe sa më shërbeu nd'Efesë, ti i di mirë.

## Krye 2

<sup>1</sup> Ti pra, o biri im, forcohu ndë hirt që është mbë Jisu Krishtinë; <sup>2</sup> Edhe sa dëgjove prej meje me shumë dëshmimtarë, ep-i ndër duar të njerësve besëtarë, të-cilëtë dotë jenë të-zottë të mësonjënë edhe të-tjerë. <sup>3</sup> Ti pra vuaj posi ushtëtar i-mirë i Jisu Krishtit. <sup>4</sup> Sepse asndonjë që vete ushtëtar nukë ngatëronetë me punërat e të-rrajturit, që t'i pëlqenjë ati që e mori ushtëtar. <sup>5</sup> Po edhe ndë luftoftë ndonjë, nukë kurorëzonetë, ndë mos luftoftë pas nomit. <sup>6</sup> Bujku që mundonetë duhetë i-parë të-marrë pjesë nga pemëtë. <sup>7</sup> Kupëto ato që them; edhe Zoti të dhëntë mënt mbë të-gjitha. <sup>8</sup> Ki ndër mënt Jisu Krishtinë nga far' e Dhavidhit që është ngjallurë prej së-vdekurish, pas ungjillit t'im; <sup>9</sup> Për të-cilinë vuanj gjer mbë të-lidhura posi keq-bërës; po fjal' e Perëndisë nukë lidhetë. <sup>10</sup> Përandaj të-gjitha i duronj për të-sgjedhuritë, që të gjenjen' edhe ata shpëtimnë që është mbë Jisu Krishtinë, bashkë me lavdi të-përjetëshme. <sup>11</sup> Për të zënë besë është **këjo** fjalë; sepse ndë

vdiqme bashkë **me Krishtinë**, kemi edhe për të rruarë bashkë **me atë**; <sup>12</sup> Ndë durofshimë, kemi edhe për të mbretëruarë bashkë **me atë**; ndë e mohofshimë, edhe ay dotë na mohonjë; <sup>13</sup> Ndë dalçimë të-pabesë, ay mbetetë besëtar; nukë munt të mohonjë vetëhen' e ti.

<sup>14</sup> Këto u'a bjerë ndër mëntt, dyke porositurë ata përpara Zotit, të mos hahenë me fjalë, **e-cila gjë s'është** për asgjë e-dobishime, **po** për prishje t'atyre që dëgjonjënë. <sup>15</sup> Kujdesu t'a nxjerç vetëhenë t'ënde të-provuarë përpara Perëndisë, punëtar faqe-bardhë, që pret drejtë fjalën' e së-vërtetësë.

<sup>16</sup> Edhe largohu nga të-ndyratë fjalë të-kota; sepse shtonjënë më shumë pabesëri; <sup>17</sup> Edhe fjal' e atyreve ka për të ngrënë posi qimezë; nga këta është Hymenaj edhe Filiti, <sup>18</sup> Të-cilëtë duallë jashtë udhës' së të-vërtetësë, dyke thënë, se ndashti ubë të-ngjalluritë; edhe përmbysnjënë besën' e cave.

<sup>19</sup> Po themeli' e-fortë e Perëndisë qëndron edhe ka këtë vulë; Zoti njeh ata që janë të titë; edhe, Letë largonetë nga shtrëmbëria kushdo që zë n'gojë emërin' e Krishtit.

<sup>20</sup> Edhe ndë **një** shtëpi të-madhe nukë ka vetëm' enë të-arta e të-ergjënta, po edhe të-drunjta e të-ballta; e ca **duhenë** për **punë** të-nderçime, e ca për **punë** të-panderçime. <sup>21</sup> Ndë qëroftë pra ndonjë vetëhen' e ti nga këto, dotë jetë enë për nder, e-shënjëtuarë, edhe e-vëjyerë për të zonë, e-bërë gati për çdo punë të-mirë.

<sup>22</sup> Edhe largohu nga dëshërimet' e djalërisë; edhe bjer'i pas drejtërisë, besësë, dashurisë, paqtimt bashkë me ata që thërresënë mbë Zotinë prej zëmëre së-kthjellëtë. <sup>23</sup> Edhe hiq dorë nga të-marrat' e të-padiçimetë të-ngrëna me fjalë, dyke diturë se **ato** pjellënë të-zëna. <sup>24</sup> Edhe shërbëtor' i Zotit nukë duhetë të zihetë, po të jet' i-butë mbë të-gjithë, i-zoti të mësonjë **njerëzitë**, **njeri** që duron të-ligënë, <sup>25</sup> **Njeri** që mëson me butësi atë që kanë mendime të-kundrejëtë, **edhe kështu** mbase u ep atyreve Perëndia pendim, që të njohënë të-vërtetënë, <sup>26</sup> Edhe të shpëtonjënë nga laku i djallit, prej të-cilit janë zënë robër ndë dashurimt t'ati.

### Krye 3

<sup>1</sup> Edhe dij-e këtë, se ndë ditt të-pastajme kanë për të ardhurë kohëra të-këqia; <sup>2</sup> Sepse njerëzitë dotë jenë vetëdashës, ergjënddashës, krye-lartë, madhështorë, vllasfimitarë, të-pabindurë ndë prindërit, mos-mirënjohës, të-paudhë, <sup>3</sup> Të-padhëmçurë, të-papaqtuarshim, kallëzimtarë, të-pambajturë, të-egërë, t'atillë që s'duanë të-mirënë, <sup>4</sup> Trathëtorë, gojë-sbrazëtë, të-fryjturë, kënaqëdashës më tepërë se perëndidashës, <sup>5</sup> Të-cilëtë kanë të-dukurë besë së-mirë, po fuqin' e asaj e kanë mohuarë; edhe nga këta largohu. <sup>6</sup> Se-pse prej këtyre jan' ata që hynjënë ndëpër shtëpirat, edhe skllavosnjënë gratë që janë ngarkuarë me faje, e hiquënë prej çdo farë dëshërimesh, <sup>7</sup> Të-cilatë gjithënjë mësonenë, e kurrë s'munt të vinjënë ndë të-njohurit të së-vërtetësë. <sup>8</sup> Edhe sikundrë Janniu e Jambriu ndejtnë kundrë Moisiut, kështu edhe këta rrinë kundrë së-vërtetësë, njerës të-prishurë nga mëndja, të-paprovuarshim ndë besët. <sup>9</sup> Po s'kanë për të mbrothësuarë më tepërë; sepse marrësia e atyre dotë çfaqetë mbë të-gjithë, sikundrë **uçfaq** edhe e atyreve.

<sup>10</sup> Po ti i re prapa mësimt t'im, të-sjellavet, qëllimit, besësë, zëmërës' së-gjerë, dashurisë, durimit, <sup>11</sup> Të-ndjekuravet, të-pësuaravet, që më gjajtnë ndë Antiohi, ndë Ikoni, ndë Lystrë; çfare të-ndjekurash hoqa? edhe Zoti më shpëtoj nga të-gjitha. <sup>12</sup> Po edhe gjithë sa duanë të rronjënë me besë të-mirë mbë Jisu Krishtinë dotë ndiqenë. <sup>13</sup> Po njerëzit' e-liq e gënjeshtarë dotë venë mbarë mbë më të-ligënë, dyke gënjyerë **të-tjerë** e dyke gënjyerë vetëhenë.

<sup>14</sup> Po ti qëndro mb'ato që nxure e uvërtetove, dyke diturë prej cilit i ke nxënë; <sup>15</sup> Edhe se që nga foshnjëria i di shkronjat' e-shënjëtuara, të-cilatë munt të të bënënjënë të-diturë për shpëtim me anë të besësë që është mbë Jisu Krishtinë.

<sup>16</sup> Gjithë shkronja është prej Frymës' së Perëndisë, edhe e-dobishme për mësim, për qërtim, për të-ndrequrë, për arrësim që është me drejtëri; <sup>17</sup> Që të jet' i-sosurë njeriu i Perëndisë, i-bërë gati për çdo punë të-mirë.

## Krye 4

<sup>1</sup> Të urdhëronj pra unë përpara Perëndisë edhe Zotit Jisu Krisht, që ka për të gjykuarë të-gjall' e të-vdekurë ndë të-dukurit të ti edhe ndë mbretërit të ti; <sup>2</sup> Lëçit fjalënë; qëndro me kohë e pa kohë; qëрто, bjerë ndër sy, ngut me çdo farë zëmëre së-gjerë e me mësim. <sup>3</sup> Sepse ka për të ardhurë kohë, kur nukë dotë duronjënë mësimn' e-shëndoshë, po dotë mbledhënë grumbullë përënë vetëhes' së tyre mësonjës pas dëshërimevet të tyre, për të gudulisurë veshëtë; <sup>4</sup> Edhe nga e-vërteta dot' i largonjënë veshëtë, edhe dotë kthenenë **të venë** pas përrallavet.

<sup>5</sup> Po ti rri sgjuarë mbë të-gjitha, vuaj, bëj punë ungjiltari, shërbesënë t'ënde bëj-e të-mbaruarë.

<sup>6</sup> Sepse unë ndashti jam dyke derdhurë gjakunë, edhe koha e të-ikurit t'im ariti. <sup>7</sup> Luftën' e-mirë luftova, udhën' e mbarova, besën' e ruajta; <sup>8</sup> Paskëtajthi më mbetetë kurora e drejtërisë, të-cilënë dotë m'a apë Zoti nd'atë ditë, i-drejtji gjykatës; edhe jo vetëmë mua, po edhe gjith' atyreve që duanë të-dukurit' e ati.

<sup>9</sup> Përpiqu të vish çpejt tek unë. <sup>10</sup> Sepse Dhimaj më la, sepse deshi këtë botë, edhe vate ndë Thessallonikë; Krisku ndë Gallati; Titua ndë Dhallmati; <sup>11</sup> Vetëmë Llukaj është bashkë me mua. Markunë merr-e me vetëhe edhe bjer'-e bashkë me ty; sepse më është i-vëjyerë ndë punët. <sup>12</sup> Edhe Tihikun' e dërgova ndë Efesë.

<sup>13</sup> Kur të vish, bjerë gunënë që lashë ndë Troadhë përënë Karpit, edhe libratë, po më fort memvranatë.

<sup>14</sup> Aleksandër ramtori shumë të-liga më bëri; Zoti j'a çpagoftë pas punëravet t'ati; <sup>15</sup> Prej të-cilit edhe ti ruhu; sepse shumë rri kundrë fjalëvet t'ona.

<sup>16</sup> Ndë të-mbrojturit t'im të-parë asndonjë nukë erdhi bashkë me mua, po të-gjithë më lanë; (mos u unumëroftë atyre **për faj**;) <sup>17</sup> Po Zoti më ndënji përënë, edhe më dha fuqi që me anë t'ime të mbushetë të-lëçituritë, edhe të dëgjonjënë gjithë kombetë; edhe shpëtova nga goj' e leonit. <sup>18</sup> Edhe Zoti dotë më shpëtonjë nga çdo pun' e-keqe, edhe dotë **më** ruanjë për mbretërin' e ti qiellore; mbë të-cilinë **qoftë** lavdia ndë jetët të jetëvet. Amin.

<sup>19</sup> I ufal me shëndet Priskësë edhe Ahillit, edhe shtëpis' s'Onisiforit. <sup>20</sup> Erasti mbeti ndë Korinthë; edhe Trofimnë e lashë të-sëmurë ndë Militë. <sup>21</sup> Përpiqu të vinjç përpara dimërit. Të faletë me shëndet Efvuli, edhe Pudhi, edhe Lini, edhe Kllavdhia, edhe gjithë vëllezëritë.

<sup>22</sup> Zoti Jisu Krisht **qoftë** bashkë me frymënë t'ënde.

Hiri **qoftë** bashkë me ju. Amin.